



UNIVERSITÄTS-
BIBLIOTHEK
PADERBORN

**Amor Deiparæ Virginis Mariæ; Petri Antonii Spinelli
Neapol. Societ. Iesv**

**Spinelli, Pietro Antonio
Colonizæ Agrippinæ, 1620**

De Virginis Deiparæ virtutibus imita[n]dis.

[urn:nbn:de:hbz:466:1-60948](https://nbn-resolving.org/urn:nbn:de:hbz:466:1-60948)

CAPVT IIII.

DE QVINTO DEVOTIO-
nis actu Virginis virtutibus
imitandis.

S V M M A R I V M.

Deipara imitanda primò in exacta diuina
legis obseruatione, nu 4.

Secundò, Deipara imitanda in humilitate
profundissima, nu 6.

Tertiò, Deipara imitanda in virginitate
purissima, num. 7.

Quartò, Deipara imitanda in eximio erga
Christum amore, nu. 8.

Quintò, Deipara imitanda, quod in ea reli-
giosa vita exempla reluceant, nu 10.

I. **Q**VINTVM, quod ad deuotionem
Solida Vir-
ginis deno-
tio imitari
eius vir-
tutes.
Augustin.

erga Virginem superiori capite cõ-
ferre potissimum diximus, est
vitæ, ac præclarissimarum eius virtutum
imitatio: nam, vt rectè ait Augustinus:
Summa religio est imitari quod colimus. Id-
eo ecclesia in Collecta S. Stephani sic Deũ
precatur: Da nobis Domine imitari quod
colimus. & alia collecta petit, vt illius San-
cti,

Et, cuius natalitia colimus, etiam actiones imitemur. Hæc enim est solida Virginis deuotio, quæ non tantum verbis, sed operibus etiam continetur; ne de nobis ipsa Virgo sanctissima dicere meritò possit, quod de Iudæis apud Isaiam cap. 29. *Isai. 29.* legimus: *Populus hic labijs me honorat, cor autem eorum longè est à me.*

Virginii enim accommodatur illud Pro- *Preuerb. 8.* uerbiarum 8. *Nunc ergo filij audite me, beati qui custodiunt vias meas;* qui scilicet, eadem per imitationem gradiuntur, Isidem vestigijs insistant, ad Virginis vitæ exemplar mores suos componunt: Nam benè Cyprianus, de bono patientiæ ita monet, seruos oportet esse obsequentes, & filios non decet esse degeneres. *Cyprian.*

Quare Isai. 51. *Attendite ad Abraham* *Isai. 51.* *patrem vestrum, & ad Saram, quæ peperit vos:* quod sic accommodari potest, vt iubeamur attendere ad Christum Patrem, & ad Virginem, quæ mater est omnium, vt eos imitemur. Ideo Ambrosius libro 2. de *Ambros.* Virgin. vbi fasè de Virginis virtutibus agit: *Talis fuit, inquit, Maria, vt eius vnus vita omni- in sit disciplina, si igitur auctor non displicet, opus probemus, vt quicumque sibi Virginis exoptat premium, imitetur exemplum.* sic Ambrosius. & Hieronymus *Hierony.*

epistola 22. ad Eustochium: Nos, inquit, meliorum exempla sectemur: propone tibi B. Mariam, qua tanta extitit puritatis, ut mater Domini esse mereretur. & mox: Potes tu mater esse Domini, nimirum spiritualiter. Ita Hieronymus.

Bernard.

Quod fuse prosequitur sanctus Bernardus in ser. super Salve Regina: Agnoscit, inquit, Virgo, & diligit diligentes se, & propè est veritate innocantibus se, praesertim his, quos videt conformes sibi factos. in castitate, & humilitate, & totam spem suam, post filium suum, in ea posuerint, & toto corde quaesierint: data est ei potestas in caelo, & in terra, & in manibus eius vita, & Spiritus nostri: & oculi omnium Christianorum in eam sperant, & ipsa dat eis escam gratia, qua plena est, in tempore opportuna: origo fontium, & fluminum, mare virtutum: sanctorum auctrix Maria. hæc ille. & Ildefonsus sermone 1. de Assumptione Deiparae: Imitamini, inquit, illam. & infra: Qui autem imitantur illam, erunt ex parte eius. & rursum: Imitamini matrem Virginem, & Sanctos omnes, quos laudatis: quoniam non tantum illis prodest nostra laudatio, quantum nobis eorum imitatio. Vnde sponso magis placet imitator deuotus, quam laudator otiosus: tamen vera laudatio cordis imitatio est operis. Ita Ildefonsus.

Ildefonsus.

Quod

Quod ipsum pulchrè sanctus Bona-
uentura in Stimulo diuini amoris, cap. 7.
his verbis docet: *Ipsam matrem Dei, &
peccatorum, tanquam bonus, & deuotus fi-
lius in omnibus pro posse studeas imitari, tunc
enim proculdubio te sibi tanquam matri ve-
raciter exhibebis, & ipsa te tanquam suum
filium veraciter adiuuabit, & qua dignè ab
ea petieris tibi dabit: & in omnibus tibi ne-
cessarijs ad salutem simpliciter ministrabit,
& tandem in cœlesti gloria te apud se felici-
ter collocabit.* hæc Bonauentura.

Idem (vt superiori capite dixi) in epi-
stola 25. memorialium , memoriali 13.
cum Virginis deuotionem commendaf-
set, hæc subiicit: *Et vt tua deuotio sit ei
accepta, & reuerentia grata, ipsius purita-
tem, & munditiam omni virtute, mente, &
corpore, illibatè in te ipso seruando, toto co-
natiuitatis humilitate, & mansuetudine
eius vestigia imitari.* & in Speculo cap. 3.
dicit: *Virginem ad Cœlum ascendentem
figuratam in Esther, cui duæ famulæ ob-
sequebantur: super vnâ innitebatur,
altera verò sequebatur defluentia in hu-
mum vestimenta sustentans. has autem
famulas vult esse Angelicam, & huma-
nam naturam, super Angelos enim in-
nititur in Cœlo familiarissimè cum illis
agendo: at verò anima humana est fa-*

Esther. 15.

Sophron.

mula, quæ Dominam suam Mariam sequitur in mundo colligens vestimenta, id est, virtutes, & exempla Mariæ. hæc ex Bonaventura & Sophronius inter opera Hieronymi sermone de Assumpt. Igitur, inquit, *dilectissimi amate Mariam, quam colitis, colite quam amatis, quia tunc vere colitis, & amatis, si imitari velitis ex toto corde quam amatis.*

Sancti imitandi.

Augustin.

2. Quod si Sanctos imitari par est, ut pro nobis orare velint, ut merito Augustinus sermone 30. de Sanctis dixerit: Si ad consortium sanctorum martyrum pervenire volumus, de imitatione martyrum cogitemus: Debent enim in nobis aliquid de suis virtutibus recognoscere, ut pro nobis dignentur Domino supplicare; quanto maiori studio imitanda nobis erit Deipara, ut eius orationibus adiuvemur. Propterea

Bernard.

S. Bernardus homil. 2. super Missus est: *Ut impetres, inquit, eius orationis suffragium, non deseras eius conversationis exemplum* nam & Augustinus sermone 47. de Sanctis: *Ab eis, inquit, Sanctorum martyrum festiva gaudia celebratur, qui ipsorum martyrum exempla sequuntur, solemnitas enim martyrum exhortationes martyrorum sunt, ut imitari non pigeat, quos celebrare delectat.* Ita Augustinus, quanto magis, qui Virginis devotionem profitentur,

Augustin.

Virgi-

Virgi-

Virginem sibi imitandam statuunt.

Certè cum Sancti nobis à Deo imitan-
di proponantur, quia Christo similes
fuerunt, vt propterea Apostolus 1. Corin.

1. Cor. II.

II. dixerit: *Imitatores mei estote, sicut et e-
go Christi.* & sanctus Leo sermone in na-
tali sancti Laurentij: *Gloriemur, inquit, in
Domino, qui est mirabilis in Sanctis suis, in
quibus nobis presidium constituit, et exem-
plum: multo diligentius Deipara imitan-
da erit, quæ in donis supernaturalibus
Christo præ alijs quàm simillima fuit: de
qua canit Ecclesia: Cuius vita in clypeo cū-*

Leo.

*stas illustrat Ecclesias: vt propterea Canti-
corum 4. meritò de eius etiam imitatio-
ne dici possit: Mille clypei pendent ex ea, o-
mnis armatura fortium: omnium enim
virtutum exempla in ea relucet: id quod
pulchrè ex Ambrosio libro 2. de Virgini-
& ex alijs supra ca. 21. indicauimus. qua-
re celestem, quam in terris duxit vitam,
eiusque virtutes attentè contemplemur,
& imitari studeamus, in odoremque va-
guentorum eius, hoc est, virtutum eius
boni odoris exemplo fragrantium per i-
mitationem curramus: Id enim ex Caa-
tic. 1. Deiparæ accommodat Ecclesia, &
Damascenus orat. 1. de dorm. *Quàm pul-
chra, inquit, facta es, quàm suauis, Tu flos
cæpi, vt lilium in medio spinarum: propterea
adole-**

Offic. Eccl.

Cant. 4.

Damasc.

adole.

adolescuntula dilexerunt te, in odorem unguenti tui curremus. Ita Damascenus.

*Franciscus
Arias.*

*Damasc.
Quæ auer-
satur B.
Virgo in
suis deno-
tis.*

3 Quòd si roges quam in re illam imitabimur? Sanè noster Franciscus Arias non minùs piè, quàm doctè, in libro, quem de Profectu Spirituali inscripsit, tractatum peculiarè de virtutibus, quas in Virgine imitari debemus, luculenter conscripsit; ad quem lectorem remittimus, hic tamen breuiter hac de re indicabo aliquid; si prius Damascenum orat. 2. de dormit. audiamus, vbi ea, quæ Virgo amat, quæque auersatur, recenset; ex quibus, quæ in ea imitanda sunt; saltem generatim perspicere. Damasceni verba hæc sunt: *Curemus ut mentem, memoriamq; nostram Genitricis Dei promptuarium efficiamus quo autem modo id assequemur? & Virgo ipsa est, & Virginum amans. Pura est, & purorum amans, quod et ca si & corporis, & animi castitatem colamus, ipsius gratiam adipiscemur: siquidem lutum omne fugit, ac tœnosas affectiones auersatur Ingleuiem execratur, foetissima fornicationis vitijs infesta est: huius impuras, & scel. stes cogitationes non secùs, ac viperarum foetus fugit: sermones fœdos, ac scurriles propellit: cantusq; ac meretricia unguenta submouet: Ira tumorem odio habet: inhumanitatem, & insidiam, ac simularum*

multates non admittit: Inanem gloriam
 vanis laboribus se frangentem reijcit: super-
 bia fastui animo hostili resistit: Inuariatam
 memoriam tanquam salutis hostem odio in-
 sectatur: vitium denique omne tanquam
 lethale venenum execrationi habet: horum
 autem contrarijs delectatur, contraria enim
 contrariorum medicamenta sunt. Ieiunio,
 & parsimonia, Psalmorumq; cantibus gau-
 det: cum puritate, & virginitate, ac pu-
 dicitia pulchrè illi conuenit: sempiternamq;
 cum illis pacem colit, easq; humanè, & co-
 miter exosculatur: pacem, animiq; lenita-
 tem complectitur, charitatem, & miseri-
 cordiam, atque humilitatem tanquam a-
 lumnas suas, vlnis fouet. Atque, ut rem
 breuiter perstringam, quolibet vitio offen-
 ditur, ac discruciat: qualibet autem vir-
 tute, ut peculiari sua nota, laetatur, & ex-
 ultat. Quamobrem si vitia prompto, atq; a-
 lacri animo vitemus; virtutes autem om-
 ni studio, atque amore complectemur, easq;
 socias adhibeamus, frequens ipsa ad famu-
 los suos veniet, ac secum bonorum omnium
 agnen trahet, Christumq; filium suum, om-
 niumq; Regem, ac Dominum in cordibus no-
 stris habitantem assumet. haecenus Da-
 mascenus.

Verum ad nonnulla singularia descen-
 damus, in quibus Virginem Deiparam
 nobis

Qua in
 suis deuo-
 tis B. Vir-
 go requirit

Imitanda
 B Virgo.

nobis imitandam proponere possumus; ea verò quinque esse possunt, 1. exacta diuina legis obseruatio, 2. eius demissa humilitas, 3. illibata Virginitas, 4. eximius in Christum amor, 5. denique religiosa vitæ exemplum, cuius vestigia nobis exhibuit præclarissima.

DEIPARA IMITANDA PRIMÒ in exacta diuina legis obseruatione.

4 **P**rimùm igitur sit integra, & accurata diuinę legis obseruatio, qua ab omni præsentim peccato mortali, diuina iuuante gratia, quæ nunquam ex Dei parte deest diligentissimè caueamus. Huius diuinę legis seruandę Virgo sanctissima fuit studiosissima: quod facile ostendi potest ex reuelationibus, & ex ijs, quæ in sacra Euangeliorum historia habemus. Sanctus Bonauentura in Meditationibus vitæ Christi, cap. 3. quandam Deiparę reuelationem S. Elisabethę, vt ipse existimat, factam affert, in qua Deipara testata est, se in noctis medio semper ante templi altare, ea qua poterat voluntate, & affectu inter alia petijisse à Deo gratiam; qua Deum toto corde diligeret, & proximum; atque ea omnia, quæ Deus odit,

Bonauent